

საქართველოს ეროვნული ბანკი

სატენდერო დოკუმენტაცია

უძრავი ქონების შეფასების მომსახურების
შესყიდვა გამარტივებული ელექტრონული
ტენდერის საშუალებით

(კლასიფიკატორის დანაყოფი 79400000)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

ქ. თბილისი
2016 წელი

სარჩევი

ინსტრუქცია გამარტივებულ ელექტრონულ ტენდერში მონაწილეობის მისაღებად.....	3
1. ტენდერში მონაწილეობის უფლება	3
2. მოთხოვნები, რომელსაც უნდა აკმაყოფილებდეს პრეტენდენტი ტენდერში მონაწილეობის მისაღებად	3
3. ტექნიკური დოკუმენტაცია	3
4. საკვალიფიკაციო მონაცემების დამადასტურებელი დოკუმენტები.....	5
5. გასაწევი მომსახურების ტექნიკური დავალება	5
6. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:.....	5
სახელმწიფო შესყიდვების შესახებ ხელშეკრულების პროექტი.....	6

ინსტრუქცია

ტენდერში მონაწილეობის მისაღებად

1. ტენდერში მონაწილეობის უფლება

- 1.1. ტენდერში მონაწილეობის უფლება აქვს ყველა დაინტერესებულ იურიდიულ და ფიზიკურ პირს, რომელიც გაცნობილია და ეთანხმება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნებს და არ არის შეყვანილი შესყიდვებში მონაწილე არაკეთილსინდისიერ პირთა რეესტრში („შავი სია“).

2. მოთხოვნები, რომელსაც უნდა აკმაყოფილებდეს პრეტენდენტი ტენდერში მონაწილეობის მისაღებად

2.1. იურიდიული პირის შემთხვევაში:

- 2.1.1. მიმწოდებელს უნდა გააჩნდეს უძრავი ქონების შეფასების მომსახურების (შემდგომში - „ანალოგიური მომსახურება“) გაწევის გამოცდილება, სულ მცირე 2 (ორი) უკანასკნელი წლის განმავლობაში;
- 2.1.2. მიმწოდებლის ყველა კონკრეტულ თანამშრომელს, რომელიც უშუალოდ განახორციელებს მომსახურებას (შემდგომში „შემფასებელი“) უნდა გააჩნდეს უფლებამოსილი ორგანოს მიერ გაცემული დოკუმენტი/სერთიფიკატი, რომლითაც დასტურდება მისი უფლება ანალოგიური მომსახურების გაწევაზე. აღნიშნული დოკუმენტის მოქმედების ვადა, სულ მცირე 1 (ერთი) თვით უნდა აღემატებოდეს წინადადებების მიღების დასრულების თარიღს.

2.2. ფიზიკური პირის შემთხვევაში:

- 2.2.1. პრეტენდენტს უნდა გააჩნდეს ანალოგიური მომსახურების გაწევის გამოცდილება, სულ მცირე, 2 (ორი) უკანასკნელი წლის განმავლობაში;
- 2.2.2. პრეტენდენტს უნდა გააჩნდეს უფლებამოსილი ორგანოს მიერ გაცემული დოკუმენტი/სერთიფიკატი, რომლითაც დასტურდება მისი უფლება ანალოგიური მომსახურების გაწევაზე. აღნიშნული დოკუმენტის მოქმედების ვადა, სულ მცირე 1 (ერთი) თვით უნდა აღემატებოდეს წინადადებების მიღების დასრულების თარიღს.

3. ტექნიკური დოკუმენტაცია

- 3.1. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

3.1.1. იურიდიული პირის შემთხვევაში:

- ინფორმაცია პრეტენდენტის მიერ ბოლო ორი წლის განმავლობაში ანალოგიური მომსახურების გაწევის შესახებ, შემსყიდველის მითითებით;
- 2.1.2 პუნქტში აღნიშნული მოთხოვნის დაკმაყოფილების დამადასტურებელი დოკუმენტი (ასლი);
- პრეტენდენტის სრული რეკვიზიტები (დასახელება, იურიდიული და

ფაქტიური მისამართი, ხელმძღვანელის თანამდებობა, სახელი და გვარი, ტელეფონის ნომერი, ელ. ფოსტის მისამართი, საბაკო რეკვიზიტები);

3.1.2. ფიზიკური პირის შემთხვევაში:

- ინფორმაცია ბოლო ორი წლის განმავლობაში ანალოგიური მომსახურების გაწევის შესახებ, შემსყიდველის მითითებით;
- 2.2.2 პუნქტში აღნიშნული მოთხოვნის დაკმაყოფილების დამადასტურებელი დოკუმენტი (ასლი);
- რეკვიზიტები (სახელი, გვარი, პირადი ნომერი, მისამართი, ტელეფონის ნომერი, ელ. ფოსტის მისამართი, საბაკო რეკვიზიტები);
- პირადობის მოწმობის ასლი;

3.2. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაცია და სატენდერო წინადადების ფასი) წარდგენით პრეტენდენტი ავტომატურად ადასტურებს, რომ შესყიდვის განხორციელების მთელი პერიოდის განმავლობაში, იგი იმოქმედებს „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და გამოხატავს თანხმობას ამ პუნქტის „ა“-„h“ ქვეპუნქტებში განსაზღვრულ და სახელმწიფო შესყიდვების ხელშეკრულების პროექტის მოთხოვნებზე.

- a) სატენდერო წინადადებით შემოთავაზებული გასაწევი მომსახურება სრულად უნდა შეესაბამებოდეს მე-5 პუნქტში მოცემულ ტექნიკურ დავალებას;
- b) პრეტენდენტის მიერ წარმოდგენილი ტექნიკური დოკუმენტაციის თითოეული დოკუმენტი დამოწმებული უნდა იყოს უფლებამოსილი პირის (თუ პრეტენდენტი იურიდიული პირია) ან პრეტენდენტის (თუ პრეტენდენტი ფიზიკური პირია) ხელმოწერით და ბეჭდით (მისი არსებობის შემთხვევაში);
- c) ტექნიკური დოკუმენტაცია შეიძლება წარმოდგენილი იყოს, როგორც ქართულ, ისე უცხოურ ენაზე. დოკუმენტების უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული თარგმანი ქართულ ენაზე;
- d) ფაქტიურად გაწეული მომსახურების ღირებულების ანაზღაურება მოხდება არაუგვიანეს 10 (ათი) სამუშაო დღისა შესაბამისი მიღება-ჩაბარების აქტის გაფორმებიდან და სათანადო დოკუმენტაციის წარმოდგენიდან (იმისდამიხედვით, რომელი უფრო გვიან მოხდება). წინასწარი ანგარიშსწორება არ გამოიყენება;
- e) სატენდერო წინადადების ფასი უნდა მოიცავდეს ამ ტენდერით გათვალისწინებული მომსახურების სრულყოფილად განხორციელებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;
- f) იმ შემთხვევაში, თუ ხელშეკრულება გაფორმდება ფიზიკურ პირთან, მისთვის ასანაზღაურებელი თანხებიდან დაქვითულ იქნება საშემოსავლო გადასახადი, რომელსაც შემსყიდველი, როგორც საგადასახადო აგენტი, წარმართავს დანიშნულებისამებრ, საქართველოს საგადასახადო კანონმდებლობის შესაბამისად;

h) პრეტენდენტს არა აქვს უფლება წარმოადგინოს ალტერნატიული წინადადება.

4. საკვალიფიკაციო მონაცემების დამადასტურებელი დოკუმენტები

4.1. საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტს არ მოეთხოვება.

5. გასაწევი მომსახურების ტექნიკური დავალება:

5.1. შესყიდვის ობიექტი: საქართველოს ეროვნული ბანკის (სებ) საკუთრებაში არსებული მიწის ნაკვეთის და შენობის შეფასება.

5.2. მომსახურების მიზანი - სებ-ის საკუთრებაში არსებული მიწის ნაკვეთის და შენობის საბაზრო ღირებულების დადგენა *ფინანსური ანგარიშგების მიზნებისთვის*.

5.3. შესაფასებელი ობიექტების ძირითადი პარამეტრები:

5.3.1. მიწის ნაკვეთი:

- ნაკვეთის საკადასტრო კოდი: 01.14.05.007.071;
- ნაკვეთის მდებარეობა: თბილისი სანდრო ეულის ქ. 7;
- ნაკვეთის ფართი: 2724 კვ.მ;

5.3.2. შენობა:

- საკადასტრო კოდი: 01.15.05.61.010;
- შენობის მდებარეობა: ქ. თბილისში ვ. ბერიძის (ყოფ. ცხაკაიას) ქ. 6;
- შენობის ტიპი/დანიშნულება: საოფისე შენობა;
- შენობის ფართი: 2685მ²;
- შენობის სართულიანობა: 6-მიწისზედა და 2-სარდაფი (ავტოსადგომი).

5.6. მომსახურება გაწეული უნდა იყოს შეფასების საერთაშორისო სტანდარტების (IVS) შესაბამისად.

5.7. საბოლოო დასკვნები (ანგარიშები) თითოეული ობიექტის *ფინანსური ანგარიშგების მიზნებისთვის დადგენილი* საბაზრო ღირებულების შესახებ შემსყიდველს უნდა მიეწოდოს 2 (ორი) ეგზემპლარად, არაუგვიანეს 10 (ათი) დღისა ხელშეკრულების გაფორმებიდან, მისამართზე: ქ. თბილისი, 0114, სანაპიროს ქ. N2.

6. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

6.1. სატენდერო კომისიის აპარატის წევრები:

ზურაბ ღონღაძე: ტელ: 2406 369; ელ.ფოსტა: zgongadze@nbg.gov.ge

ნიკოლოზ ჩუხრუკიძე: ტელ: 2406 398; ელ.ფოსტა: nchukhrukidze@nbg.gov.ge

შენიშვნები:

1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge;
2. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის“ დამტკიცების შესახებ“ მოცემულია საიტზე: www.procurement.gov.ge;

სახელმწიფო შესყიდვების შესახებ ხელშეკრულების პროექტი

ხელშეკრულება N

ქ. თბილისი

2017 წელი

შემსყიდველი: ს.ს.ი.პ. „საქართველოს ეროვნული ბანკი“

მისამართი: თბილისი, 0114, სანაპიროს ქ. N2;

საიდენტიფიკაციო კოდი: 203 824 148.

მიმწოდებელი: _____

იურიდიული მისამართი: _____

ფაქტიური მისამართი: _____

საიდენტიფიკაციო კოდი: _____

საბანკო რეკვიზიტები: _____

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (სატენდერო განცხადება № SPA1600____) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს მიმწოდებლის მიერ საქართველოს ეროვნული ბანკის (სებ) საკუთრებაში არსებული მიწის ნაკვეთის და საოფისე შენობის შეფასების მომსახურების (შემდგომში „მომსახურების“) შესყიდვა (CPV კოდი: 79419000), ტექნიკური დავალების, და ხელშეკრულების პირობების შესაბამისად.

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებენ ფინანსებისა და ბუღალტრული აღრიცხვის დეპარტამენტის უფროსი და სებ-ის შესყიდვების და ლოჯისტიკის დეპარტამენტის უფროსი ან მათ მიერ უფლებამოსილი პირი/პირები.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3. მომსახურების მიღება-ჩაბარების წესი

- 3.1. მიმწოდებელმა შემსყიდველისათვის მომსახურების გაწევა უნდა განახორციელოს ტექნიკური დავალებით განსაზღვრული პირობების და ვადების შესაბამისად.
- 3.2. მომსახურება ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

- 3.3. მომსახურების მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 3.4. შემსყიდველის მხრიდან 3.2 პუნქტში აღნიშნული მიღება-ჩაბარების აქტის ხელმოწერი პირია სეზ-ის შესყიდვების და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული მომსახურების საერთო ღირებულება შეადგენს _____ლარს („ხელშეკრულების ფასი“).
- 4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. ხელშეკრულების 4.1. პუნქტში მითითებული ფასის გადახდა ხორციელდება უნაღდო ანგარიშსწორების წესით.
- 4.4. ანგარიშსწორება ხორციელდება წინამდებარე ხელშეკრულების 3.2 ქვეპუნქტის შესაბამისად მომსახურების ან მისი ნაწილის მიღებიდან და მიმწოდებლის მიერ სათანადო დოკუმენტაციის წარმოდგენიდან (იმისდამხედვეთ რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული შესყიდვის ობიექტი.
- 5.2. შემსყიდველი ვალდებულია გადაუხადოს მიმწოდებელს ფაქტიურად გაწეული მომსახურების ღირებულება ხელშეკრულებით გათვალისწინებული პირობების შესაბამისად.
- 5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული შესყიდვის ობიექტი.
- 5.4. მიმწოდებელს უფლება აქვს გაწეული მომსახურების სანაცვლოდ მიიღოს მისი ღირებულება.

6. მხარეთა პასუხისმგებლობა ხელშეკრულების პირობების შეუსრულებლობისათვის

- 6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.
- 6.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ყოველი გადაგადაცილებული დღისათვის, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით.
- 6.3. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ გადაგადაცილებულ დღეზე გადასახდელი თანხის 0,02%-ის ოდენობით.
- 6.4. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.
- 6.5. იმ შემთხვევაში, თუ 6.2 პუნქტით გათვალისწინებულისაჯარიმო სანქციების ჯამური ოდენობა შეადგენს ხელშეკრულების ფასის 1%-ს, შემსყიდველი უფლებამოსილია

ცალმხრივად გაწყვიტოს ხელშეკრულება მეორე მხარის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება 6.1 პუნქტით გათვალისწინებული სანქციები.

7. ხელშეკრულებაში ცვლილების შეტანა და ხელშეკრულების შეწყვეტა

- 7.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 7.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 7.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 7.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 7.5. მხარე ვალდებულია 7.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 7.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

8. დაუძლეველი ძალა

- 8.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 8.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 8.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

9. დავები და მათი გადაწყვეტის წესი

- 9.1. ხელშეკრულების მოქმედების პერიოდში წამოჭრილი ყველადავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

10. ხელშეკრულების მოქმედების ვადა

- 10.1. ხელშეკრულება ძალაში შედის ხელმოწერის დღიდან და მოქმედებს 2017 წლის 31 დეკემბრის ჩათვლით.

11. ზოგადი დებულებები

- 11.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 11.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 11.3. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

*(უფლებამოსილი პირის სახელი,
გვარი, ხელმოწერა და თანამდებობა)*

მიმწოდებლის მხრიდან:

*(უფლებამოსილი პირის სახელი,
გვარი, ხელმოწერა და თანამდებობა)*